

Tösje Zitterd en Sjtadbrouk

Doe hinks dao aan Dien kruuts gesjlaage
tösje Zitterd en Sjtadbrouk,
zoo höbs Doe alle leid gedraage
Noe dreugs Doe niks wie eine douk

Doe sjturfs veur waat wurt aangevange
door luu die Dich neit mee versjtaon,
die zeen Dich noe gaaroet neit hange
bie waat's Doe veur ze höbs gedaon

Want zèg, waat kénste òs noch maake?
Dien weurd verleize alle waerd,
veer sjaffe alles, alle zaake
en veer regeiere lóch en aerd.

Want veer, luu, wèrke en veer wouve,
veer sjörge os get kraom biejein
Es Doe òs ruips zeen weer wie douve
dan wurt oos hart wie eine sjtein

Mer es Doe èns Dien handj zous dreeë
Dien ouch neit euver òs leeds gaon
wie zou die welt dan gauw verweeë,
't waas mit òs, luu, dan zoo gedaon

Erberm Dich euver òs!

Peter Kempkens